

河南通志

洞南通志

續河南通志卷之七十五

藝文志

詩 五七絕

嵩山夜還

唐宋之間

家住嵩山下好采舊山薇自消遊泉石何曾不夜歸

玉真公主山居

唐儲光羲

山北天泉苑山西鳳女家不言沁園好獨隱武陵花

次硤石

唐劉禹錫

數日方離雪今朝又出山試憑高望處隱約見潼關

地肺

一作

山春呂

唐溫庭鈞

冉冉花明岸涓涓水繞山幾時拋俗事來共白雲閑

天壇歸

唐元稹

爲結區中累因辭洞裏花還來舊城郭烟火萬人家

古函關

唐皮日休

破落古關城猶能扼帝京今朝行客過不待曉雞鳴

銅雀伎

唐崔道融

歌咽新翻曲香消舊賜衣陵園風雨暗不見六龍歸

銅雀伎

唐劉長卿

嬌愛更何日高臺空數層含啼映雙袖不忍看西陵

銅雀伎

唐朱放

恨唱歌聲咽愁翻舞袖遲西陵日欲暮是妾斷腸時

豐山

唐元好問

豐山一向高古木蒼烟重開門看吳楚鳥去天無窮

光武臺

金元好問

巍然此遺臺落日荒烟重誰見經綸初指揮定群雄

登韓陵山

明謝榛

立馬弔高歡烟蕪滿陳蹟可憐當世功不見韓陵石

風雪亭

國朝鄂容安

野寺幾經適春深又此行看花並聽鳥風雪隔年情

嘯臺

國朝錢曰生

風流傳勝地今日剩高臺山水清音裡時聞長嘯來

少室

國朝呂履恒

少室橫西郭九面削芙蓉峰際落寒月城中聞曙鐘

褚遂良墓

國朝 呂履恒

白日落豐碑青蒲事可悲死生慙顧命不敢怨昭儀

文潞公墓

國朝 呂履恒

抔土殘碑在猶傳宋太師輦南陵樹盡空對日斜時

題蘇秦墓

唐 張 巡

沙埋古篆折碑文六國存亡事係君今日淒涼無處說亂

山秋盡有寒雲

題觀樓

唐 岑 參

荒樓荒井閉空山關令乘雲去不還羽蓋霓旌何處在空

留藥白向人間

題王真觀李秘書

唐 韓 翃

白雲斜日影深松
玉宇瑤壇知幾重
把酒題詩人散後
華陽洞裏有疎鐘

思子臺有感二首

凡題思子臺者皆罪江充予觀禍胎不獨在此偶以二絕句辨之

唐白居易

曾家機上聞投杼
尹氏園中見掇蜂
但以恩情生隙罅
何人不解作江充

闇生魑魅蠹生蟲
何異讒生疑阻中
但使武皇心似燭
江充不敢作江充

過溫尚書舊莊

唐白居易

白石清泉拋濟口
綠幢紅旆照河陽
村人都不知時事
猶自呼爲處士莊

履道居

唐白居易

莫嫌地窄林池小，休厭家貧活計微。
多少朱門鎖空宅，主人到了不曾歸。

桃林夜賀晉公

唐韓愈

西來騎火照山紅，夜宿桃林臘月中。
手把命珪兼相印，一時重疊賞元功。

蝦蟆泉

唐韓愈

居然鱗介不能容，石眼環環水一鐘。
聞說旱天祈得雨，只疑蝌蚪是蛟龍。

玉真觀

唐張籍

臺殿曾爲貴主家，春風吹盡竹窗紗。
院中仙女修香火，不

許閑人入看花

鄴宮

唐陸龜蒙

花飛蝶駭不愁人
水殿雲廊別置春
晚日靚粧千騎女
白櫻桃下紫綸巾

繡嶺宮

唐陸龜蒙

繡嶺花殘翠倚空
碧窓瑤砌舊行宮
閑乘小駟濃陰下
時舉金鞭半袖風

嘯臺

唐賈島

如聞長嘯春風裏
荊棘叢邊訪舊蹤
地接蘇門山近遠
荒臺突兀祗高峰

阿對泉

唐吳融

六載抽毫侍禁闈可堪多病決然歸五陵年少如相問阿
對泉頭一布衣

自註阿對是楊伯起家僮
嘗引泉灌蔬泉至今存

關下

唐崔道融

百二山河壯帝畿關門何事更開遲應從漏却田文後每
度聞雞不免疑

玉川偶興

唐胡曾

玉川鶴避盧仝吸盤谷猿驚李愿歸興盡攜筇一回首西
風拂拂白雲飛

校書堂

唐胡曾

楊震幽魂下北邙關西蹤蹟遂荒涼四知美譽留人世應
與乾坤共久長

三川驛伏覽座主舍人留題

唐杜牧

舊蹟依然已十秋
雪山當面照銀鈎
懷恩淚盡霜天曉
一片餘霞映驛樓

金谷

唐杜牧

繁華事散逐香塵
流水無情草自春
日暮東風怨啼鳥
落花猶似墜樓人

鼎原

唐崔謩

古宮寂寞掩枯槐
罨畫山川半綠苔
人自登仙龍已去
野花無數鳥飛來

程員外故宅

唐崔謩

甲第連雲化古苔
春風依舊野花開
豪華隨水東流去
車馬隨風散復回

馬不來山鳥來

緱山廟

唐許渾

王子求仙月滿臺玉簫清轉鶴徘徊曲中飛去不知處山
下碧桃春自開

王濬墓

唐羅隱

男兒未必盡英雄但到時來卽命通若使吳都猶王氣將
軍何處立殊功

望思臺

唐羅隱

芳草臺邊魂不歸野烟喬木弄殘暉可憐高祖清平業留
與閑人作是非

鼎原

陳徐凝

黃帝旂旗去不迴空遺片石碧崔嵬有時風捲鼎湖水散
作晴天雨點來

釣臺

宋 范仲淹

漢包六合網賢豪一個真鴻惜羽毛世祖功臣三十六雲
臺爭似釣臺高

讀淮西碑

宋 蘇軾

淮西功業冠吾唐吏部文章日月光千載斷碑人膽炙不
知世有段文昌

水亭

宋 游酢

清溪一曲遶朱樓荷密風稠咽斷流夾岸垂楊烟細小
橋流水卽滄洲

青童峰

宋樓昇

斬新高髻掠雲開翠色羅衣一樣裁知有神仙此中住故
令天女捧書來

裴休洞

宋文彥博

講著終年戶不開庭無人蹟少塵埃山寒并射千峰翠止
見白雲歸洞來

送呂晦叔赴河陽

宋程顥

曉日都門颺旆旌曉風鐃吹入山城知君再爲蒼生起不
是尋常刺史行

延慶寺

宋王巖叟

龍影幽潭寺已空惟餘翠竹襍青松路窮西北無他景只

有青山一萬重

濟瀆

宋趙秉文

樹映樓臺水映空
溪容林意雨溶溶
夏山如翠無人畫
遠處微茫近處濃

題龍潭

宋趙秉文

毯毯雲水曉相參
寺枕龍蟠十畝潭
一逕通幽深竹處
居人指說寺中庵

陳侍中庵

宋李晏

古樹蒼茫一逕幽
庵前紅芰不驚秋
塵容因被修筠笑
何事匆匆不少留

遊枋口

宋姜正

山如削玉水涵秋人在冰壺月底遊劫火半空塵世換不
知此處幾登舟

遊天平山撲猪嶺

宋張天覺

玉皇不禁上天梯半築臨崖與斗齊昨日我因尋藥到幾
回驚起日中雞

遊天平山

宋王琉

春雨新晴上翠微三年雨過洞天扉塵蹤不得多時住又
向雲間一宿歸

勝景奇蹤爛漫遊歸鞍欲上重回頭山禽於我情何厚逐
馬聲聲似見留

善應村

金

元好問

平岡回合盡桑麻
百汲清泉兩岸花
更得青山作重複
武陵何處覓仙家

天壇道中

金元好問

芳樹陰陰鳥語譁
綠雲晴雪映紅霞
青山可是堪人恨
藏著中岳十里花

馬坊冷大師清真道院

馬坊在修武

金元好問

水際茅齋星散居
白雲閒伴五溪魚
茂林修竹山如畫
蘸碧軒中恐不如

靜中人境兩翛然
我亦因君有靜緣
已約青山來枕上
永亭風榭看明年

梁縣道中

金元好問